

APPLICATION

- May oras at lugar ka bang inilaan para sa pagbabasa ng Bibliya at panalangin? Paano mo magagawang maging matatag sa panalangin at mapagpasalamat sa Diyos ngayong linggo?
- Sa anong bahagi ng buhay mo kailangan ng karunungan at kakayahan ng Diyos? Paano mo magagamit ng mahusay ang oras mo? Humingi sa Diyos ng karunungan para sa araw na ito at sa bawat araw ng linggong ito.
- Handa ka bang magbigay na kasagutan para sa pag-asa ng kaligtasan mo? Kanino mo maaaring ibahagi ang ebanghelyo ngayong linggo?

PRAYER

- Pasalamatang ang Diyos sa karunungan at kakayahan na ibinigay Niya. Pasalamatang Siya para sa pinakadakilang pagpapala at sa Kanyang katapatan sa ating mga buhay.
- Ipanalangin na ang ating pananalita ay laging maging magiliw at maingat, at na ang lahat ng ating sasabihin at pamamaraan ng pamumuhay ay makapagdala ng maraming tao patungo kay Cristo.
- Ipanalangin na maging matatag tayo sa panalangin at sa pagdarasal para sa iba. Ipanalangin ang ating *long-term*, *cross-cultural* na misyonero, at nang ang proteksyon ng Diyos ay manatiling kasama nila.



VICTORY

© 2016 by VICTORY®
Reserbado ang lahat ng karapatang pag-aari.

Lahat ng sipi ay mula sa ANG SALITA NG DIOS®
Karapatang Pag-aari © 2010 ng Biblica® Ginamit na may pahintulot
mula sa Biblica Publishing & Distribution Foundation, Inc.® Reserbado ang lahat ng pag-aari.
victory.org.ph

**ALL
&
NOTHING**

FILIPINO WEEK 7

Pamumuhay ng May Misyon

NOTES

WARM-UP

- Ano ang pinakamagandang bagay na nangyari sa iyo ngayong linggo?
- Balikan ang isang panahon kung saan kinailangan mong gumawa ng isang mahirap na desisyon. Paano ka nakapag desisyon kung ano ang iyong gagawin?
- Nahihirapan ka bang iharap sa isang kaibigan ang katotohanan? Bakit oo o bakit hindi?

WORD

Magpakasigasig kayo sa pananalangin nang may pasasalamat, at habang nananalangin kayo ingatan ninyo ang inyong pag-iisip. MGA TAGA-COLOSAS 4:2

Sa pagwawakas ni Apostol Pablo ng kanyang liham para sa iglesia sa Colosas, binigyan niya sila ng mga alituntunin sa pamumuhay sa paraang makapagbibigay karangalan sa Diyos at makapag dadala ng mga tao palapit sa Kanya. Ang mga ito ay angkop pa rin sa atin sa kasalukuyan upang tayo ay makapamuhay ng may malinaw na misyon—ang tulungan ang iba na sumunod kay Jesus. Sa araling ito, ating titignan ang pananalangin nang may pasasalamat, pamumuhay nang may karunungan, at pagsasalita sa paraang kawili-wili.

1 Manalangin nang may pasasalamat.

Magpakasigasig kayo sa pananalangin nang may pasasalamat, at habang nananalangin kayo ingatan ninyo ang inyong pag-iisip. MGA TAGA-COLOSAS 4:2

Bilang mga tagasunod ni Cristo, dapat nating ibigay ang ating mga ikinababahala, pagsubok, at kasiyahan sa Diyos sa pamamagitan ng pananalangin. Ginagawa natin ito nang may pasasalamat sa kung sino ang Diyos at sa Kanyang katapatan sa atin. Ano ang hiningi ni Pablo sa kanyang panalangin sa Mga Taga-Colosas 4:3,4?

2 Maging matalino.

Maging matalino kayo sa pakikitungo sa mga hindi mananampalataya, at samantalain ninyo ang lahat ng pagkakataon na maibahagi ang pananampalataya ninyo.

MGA TAGA-COLOSAS 4:5

Inutusan ni Pablo ang mga mananampalataya na mamuhay nang may karunungan upang ang iglesia ay maging mabuting halimbawa para sa mga hindi pa mananampalataya sa lipunan at upang maakay sila papunta kay Cristo. Ano sa palagay mo ang kahulugan ng pagsasamantala ng lahat ng pagkakataon?

3 Maging magiliw sa pananalita.

Kung nakikipag-usap kayo sa kanila, gumamit kayo ng mga kawili-wiling salita para makinig sila sa inyo, at dapat alam ninyo kung paano sumagot sa tanong ng bawat isa.

MGA TAGA-COLOSAS 4:6

Sinabi ni Pablo na ang ating pananalita at pakikipag-usap ay dapat na kawili-wili at nararapat, upang matulungan ang mga tao na makilala ang Diyos. Dapat tayong maging handang magbigay ng kasagutan sa mga katanungan ng bawat tao na makakakita ng ating pamumuhay. Ano sa palagay mo ang kahalagahan ng paggamit ng kawili-wiling salita kapag tayo ay nakikipag-usap sa mga tao?